

# SAKSPAPIR

| Saksnr | Utval     | Type | Dato       |
|--------|-----------|------|------------|
| 005/23 | Valstyret | PS   | 29.03.2023 |

| Saksbehandlar   | ArkivsakID |
|-----------------|------------|
| Runar Ludvigsen | 22/401     |

## Kommunestyre- og fylkestingvalet 2023 - Tidlegrøyst, førehandsrøysting, røysting på institusjonar og ambulerande røyستمottak

### Rådmannen sitt framlegg til vedtak:

**Tidlegrøysting** for valet 2023 er frå 03.07 – 09.08.23 og vert halde i Osterøy rådhus, i vestibylen i 2. etasje, innanfor ordinær opningstid, kl. 09.00 – kl. 15.00.

**Førehandsrøystinga** til kommune- og fylkestingvalet vert halde frå 10.08 – 08.09.2023 i Osterøy rådhus, i vestibylen i 2. etasje.

Opningstidene vert slik:

Måndag – torsdag kl. 09.00 – kl. 16.30.

Fredag kl. 09.00 – kl. 15.00.

Torsdag 07.09.2023 vert opningstida utvida til kl. 19.00.

I tillegg vert det halde ope for røysting laurdag 02.09.23, kl. 10.00 – kl. 15.00.

Det vert halde **førehandsrøysting på institusjonen** Osterøytunet etter avtale. I tillegg vert det halde førehandsrøysting ved omsorgs-/eldrebustadene på Valestrand, Lonevåg, Hosanger, Fotlandsvåg, Haus og på Osterøy vidaregåande skule.

Fristen for å søkja om **heimerøysting** er fastsett til kl. 10.00 torsdag, 7. september før valdagen.

### Valstyret - 005/23

#### VS - behandling:

##### **AVRØYSTING:**

Samrøystes vedteke

#### VS - vedtak:

**Tidlegrøysting** for valet 2023 er frå 03.07 – 09.08.23 og vert halde i Osterøy rådhus, i vestibylen i 2. etasje, innanfor ordinær opningstid, kl. 09.00 – kl. 15.00.

**Førehandsrøystinga** til kommune- og fylkestingvalet vert halde frå 10.08 – 08.09.2023 i Osterøy rådhus, i vestibylen i 2. etasje.

Opningstidene vert slik:

Måndag – torsdag kl. 09.00 – kl. 16.30.

Fredag kl. 09.00 – kl. 15.00.

**Torsdag 07.09.2023 vert opningstida utvida til kl. 19.00.**

**I tillegg vert det halde ope for røysting laurdag 02.09.23, kl. 10.00 – kl. 15.00.**

**Det vert halde førehandsrøysting på institusjonen Osterøytunet etter avtale. I tillegg vert det halde førehandsrøysting ved omsorgs-/eldrebustadene på Valestrand, Lonevåg, Hosanger, Fotlandsvåg, Haus og på Osterøy vidaregåande skule.**

**Fristen for å søkja om heimerøysting er fastsett til kl. 10.00 torsdag, 7. september før valdagen.**

### **Saksopplysningar:**

#### **Saksopplysningar:**

Kommunen har ansvaret for gjennomføring av førehandsrøystinga til kommunestyre- og fylkestingalet i september 2023. I samband med dette må valstyret ta stilling til spørsmål knytt til organisering og gjennomføring av valet. Dette gjeld m.a. organisering av tidlegrøysting, ordinær førehandsrøysting og heimerøysting.

Vallova seier i § 8 at røystinga skal gå føre seg i eigna lokale og hjå røystemottakar oppnemnd av valstyret. Førehandsrøystinga skal ved dette valet gå føre seg frå 10. august og avsluttast fredag 08. september, jf. vallova § 15.-5.

#### *Tidlegrøysting frå 01. juli*

Ved tidlegare val har det vore mottak for tidlegrøyster i Osterøy rådhus. Omfanget av tidlegrøysting har ikkje vore stort, og mottak i rådhuset har fungert greitt og rådmannen rår til å halda fram med denne organiseringa. Tidlegrøysting er meint som eit tilbod til veljarar som ikkje har høve til å røysta korkje ved den ordinære førehandsrøystinga eller på valdagen. Tidlegrøysting pågår fram til ordinær førehandsrøysting startar 10. august.

#### *Førehandsrøysting*

Valstyret har ansvar for gjennomføring av førehandsrøystinga ved stortings- og sametingsvalet, og avgjer kvar førehandsrøystinga skal foregå og kva opningstider ein skal ha.

Førehandsrøystinga startar torsdag 10. august og varer til fredag 08. september, og ved tidlegare val har denne vore lagt til rådhuset av praktiske omsyn. Bygget er lett tilgjengeleg med god parkering og lokala er lyse og har bra storleik. Lokalet har internett tilgjengeleg og det er tilgang til datasystem for utskrifting av valkort m.v. I hovudsak må ein leiga inn personell til førehandsrøystinga i rådhuset, samt til å ta imot røyster på institusjonar og heime hos folk. Personalet på rådhuset vil likevel vere lett tilgjengeleg og kan hjelpe med å teke imot førehandsrøystene, til dømes for å avvikle lunsj.

Ved valet til hausten vurderer rådmannen at det ikkje er nødvendig å teke spesielle atterhald omkring smittevern, men verda er likevel noko annleis no enn før covid-19 epidemien og det vil til dømes fortsett vere tilgang til handdesinfiserande middel.

Fleire og fleire førehandsrøyster ved val, men tendensen er noko mindre ved kommune- og fylkestingval enn ved stortingsval. Uavhengig av val har det vore ein aukande trend for førehandsavrøysting. Ved sist val i 2021 var det nok eit ekstra stort tal førehandsrøyster grunna covid-19, men ein reknar med at utviklinga i det heile held fram, om enn med litt tilbakegang frå sist val, og at kapasiteten på mottak av førehandsrøystar må vere god.

#### *Førehandsrøysting på helse- og sosialinstitusjonar og andre stader*

Ved tidlegare val har ein hatt førehandsrøysting på følgjande instisjonar/stader:

Osterøytunet, omsorgs- og eldrebustadene Valestrand, Lonevåg, Hosanger, Fotlandsvåg og Haus og på Osterøy vidaregåande skule.

Ved førehandsrøysting på institusjon og ved ambulerande røysting (heimerøysting) skal det vera minst to røystemottakarar til stades.

#### *Heimerøysting*

Veljarar som grunna sjukdom eller uførleik ikkje kan røysta på vanleg måte, kan etter søknad til valstyret få førehandsrøysta der dei oppheld seg. Vallova § 8-3 punkt 6 seier at «Fristen må fastsettes til et tidspunkt innenfor perioden mellom tirsdag og fredag siste uke før valget. Søknadsfristen skal kunngjøres.»

#### **Vurdering**

Ved førre val (stortingsvalet i 2021) vart det gjort slikt vedtak om røystelokale og opningstid for førehandsrøystinga:

*«Førehandsrøystinga til stortings - og sametingsvalet vert halde i Osterøy rådhus, i vestibylen 2. etasje, måndag – torsdag kl. 08.00 – kl. 16.30. Fredag kl. 08.00 – kl. 15.00. Torsdag 09.09.21 vert opningstida utvida til kl. 19.00. I tillegg vert det halde ope for røysting laurdag 04.09.21, kl. 10.00 – kl. 15.00.*

*Tidlegrøysting til valet, frå 01.07 – 09.08.21 vert halde i Osterøy rådhus, vestibylen i 2. etasje, innanfor ordinær opningstid.*

*Det vert halde førehandsrøysting etter avtale på institusjonen Osterøytunet. I tillegg vert det»*

Utvida opningstider og fleire røystestader vil gje høgare kostnader.

Denne gongen vurderer rådmannen at ein ikkje bør opne før normalt opningstid i kontaktsenteret på rådhuset. Dette for å unngå ekstra bemanning både i kontaktsenter og for mottak av røyster ein time lengre. Rådmannen vurderer at det vil vere rikeleg med moglegheit for å førehandsrøyste sjølv om ein kuttar ein time frå 08-09:00.

Rådmannen vurderer at det har vore god erfaring med å halde opent til 16:30 alle dagar utanom fredag då dette gir god tilgong for folk å stemme etter arbeidstid. Redusert opningstid på fredag er i hovudsak grunna bemanningsomsyn inn mot helg, men ein vurderer og at dei fleste på dette tidspunktet ønskjer å kome seg heim.

Rådmannen rår elles til å følgje same praksis for førehandsrøysting, tidlegrøysting og heimerøysting som ved tidlegare val.

#### **Konklusjon**

Saka vert lagt fram for valstyret for handsaming og avgjerd.